

www.BibleForChildren.org



Jenexi 6



Sero nase Noe ehtopõpyry poko.
Toemũkuase ynororo oseruao:
Sem te, Kam te, Jape, enara.
Zae exiketyme Noe kynexine,
Ritonõpo omipona. Sero nono põkõ
rãnao, Noe rokẽ Ritonõpo maro
oturuketyme kynexine.

Sero nono
põkõ tonese
Ritonõpo a,
tyrypyrykõ poko

rokẽ toh kynexine
emero porehme, popyra
ehtoh poko rokẽ
toh kynexine.



Mame ynara tykase Ritonõpo Noe a:
— Osenetupuhno: ahno enahkapõko ase
emero porehme. Toto orihmapõko ase
emero, esarykõ roropa zumyhapõko
ase, pehme exiryke oxiehno
exiketõ ke.



Wewe kurã akohko kanawa konõto ritohme
oya. Osa tõi tyriko zao, ikurihpako azawa ke
erurukara ehtohme, zao te, jarao, enara.



Zumo ehtoh ynara tyriko:
133 meturume mosa
exiry te, 22 meturume
ipurorony,

13 meturume
kakoxi ehtopo.




Tonahsē apoiko roropa
anapyrykōme te, mokaro
onokyro tō napyryme
roropa, okyno tōkehko

emero
napyryme,
enara.




Tyriko roropa kanawa aka onokyro typytypye
asasakoro emero, nono poro ytoketõ maro, toto
osepynanohtohme.



Aroko amaro onokyro tōkehko okyno tōkehko roropa.
7me aroko nuriamākōkara, asakoro aroko
nuriamākomo orutua, nohpo, enara.





Tõsepynanohtohme
kanawa konõto aka tõtyrise
Noe, typyty maro, typoenõ maro,
tumũkuru tõ pyxiã maro, enara.





Moro zano 600me jeimamyry
Noe nae kynexine. Mame
ẽmepyry 17mã po, nuno asakoro
ehtoh po, tuna eutary tõi tuna konõto poe,
nono zopino, toehmose kehko. Konopo
konõto tooehse roropa kapu ae, osenuhmatch
konõto tõi tãtapuruhmakase samo.





Konopo tooehse itamurume
nono pona 40me ěmepyrý,
koko saereme, enara.

Zueme toehse
tuna exiryke
kanawa tanỹse.



Zuemehxo toehse tuna, ypy tõi tumyhkase emero
kaetoko exiketõi roropa. Toorihse emero toto nono
põkomo, isene exiketomo, oseremaketomo.



Mame wenikehpyra Noe poko Ritonōpo
kynexine, Noe maro exiketō poko roropa,
onokyro tō poko te, okyno tō poko kanawa
aōkō poko wenikehpyra kynexine.

Tyryrykane tonyohse Ritonōpo a
sero nono pona, mame
tāpaipitose
ropa tuna.





Moromeĩpo utuku
tonyohse eya tuna
apaisẽ waro
toehtohme.



Mame ėmepyry 27mã po, nuno asakoro ehtoh po
nono tanoryse kure. Naeroro ynara tykase Ritonõpo
Noe a: — Otũtatoko ropa kanawae opyty
maro, opoenõ
maro opoenõ
pyxiamo, enara.



Moraramé apoto
apõ tyrise Noe a
okyno zahkatohme
tynekaroryme
Ritonõpo a. Torõ tõ
tapoise eya okyno tõ
maro, toitoine
imeimehnõ
okyno toh tae.

Tyahkase toto eya
tynekaroryme apoto
apõ po Ritonõpo
eahmatohme.



Mame jūme
jomiry oya xine,
onytyoromara
ropa ase. Zae jehtoh
enetupuhpotoh ekarõko
ase oya xine; okohkuri rīko
ase akurū pokona.

Moro okohkuri
eneryhtao enetupuhnõko
matose jomihpyry poko,
ynekarohpyry poko
sero nono pōkomo a.



Akurũ tō riryhtao
ya kapu poko,
okohkuri eneryhtao
ya, akurũ poko
wenikehpyra ase
jomihpyry poko oya xine,
onokyro tōkehko a te,

isene exiketomo a
emero. Morara exiryke
imepỹ tuna konōto
kumara ropa mana
isene exiketō emero
enahkatohme.



Mame ynara tykase
Ritonõpo Noe a: — Kure rokẽ
orĩko ase omũkuru tõi maro.
Emũkuatoko oemãtohkõme
sero nono po, sapararahme
apakomotyãkõ
ehtohme.



Mame Noe mūkuru
tomo, kanawae itūtatyā ropa ynara
kynexine: Sem te, Kam te, Jape,
enara (Kam toemūkuase Kanaāme).
Mokaro oseruao Noe mūkuru tō
kynexine. Noe pakomotyā
tātahpahse toto,

sero nono poro porehme.



Ritonõpo sero nono pōkō pyno
ipunaka. Morara exiryke Tumūkuru
toirõ tonehpose eya, emero porehme
enetupuhtohme tosēkōme, orihpyra
ehtohme, jūme imaro ehtohme.



Romanos 3:23 Kymarokõ emero tyrypyhpyke.
Osepune pyra sytatose, Ritonõpo kure exiry maro.

Romanos 6:23 Ynara exiryke, kyyrypyrykõ
epehpyryme orihnõko sytatose. Yrome Ritonõpo
nekarohpyry ke orihpyra sytatose jũme. Jezu
Kyrixtu Kuesẽkõ marõme exĩko sytatose, toorihse
exiryke kymyakãkõme.

Epereu 9:27 Toipe sytatose. Emero porehme
orihnõko sytatose toiro. Moromeĩpo kuapiakatorỹko
Ritonõpo mana.



Epezu 2:8,9 Naeroro tamoreme opyno xine Ritonõpo toexiryke typynanohse matose. Okurākatorỹko roropa mana kure oexirykõ pokoino pyra. Jezu enetuputyryke rokẽ oya xine okurākatorỹko mana. Topehke pyra, tynekarory kurã sã, Tumũkuru tonehpose aorihtohme, okurākatohkõme. Naeroro epyrypasaromepyra matose Ritonõpo poenõme oexirykõ poko. Kure oexirykõ pokoino pyra tukurākase matose Ritonõpo a.

Romanos 10:9,10 Jezu orihxĩpo tõsemākapose ropa Ritonõpo a. Moro enetuputyryhtao oya xine imehnõ zurũko matose: “Jezu Jesẽme mana,” ãko matose imehnomo a. Morara awahtao xine opynanohtorỹko Ritonõpo mana. Ynara exiryke, kukurohtao xine enetuputyryhtao kyya xine kukurākatorỹko Ritonõpo mana. “Zae mase ya,” ãko mana kyya xine. “Jezu Jesẽme mana,” karyhtao kyya xine kypynanohtorỹko Ritonõpo mana.



João 3:16,17 Ritonõpo sero nono pōkō pyno ipunaka.
Morara exiryke Tumūkuru toirō tonehpose eya, emero
porehme enetupuhtohme tosēkōme, orihpyra
ehtohme, jūme imaro ehtohme. Sero pōkō
pynanohse Tumūkuru tonehpose Ritonõpo a,
toto onuãnohpyra aehtohme.

1 João 5:11-13 Ynara Ritonõpo nekarohpyry sero.
Orihpyra kyritorỹko Ritonõpo mana Tumūkuru
enetuputyryke kyya xine. Ritonõpo mūkuru maro
exiketō orihpyra mã toto. Yrome Ritonõpo mūkuru
maro pyra exiketō orihketōme toto. Onenerykōme
pape merōko ase orihpỹme oehtohkō waro
oehtohkōme, Jezu Ritonõpo mūkuru
enetuputyryke oya xine.



Jenexi 6 – 10

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Apalaí Bible (apy) ©2017, Wycliffe Bible
Translators, Inc.

<https://www.bible.com/bible/865/MAT.1>

©2024 Bible for Children, Inc.

www.M1914.org

www.bibleforchildren.org

